



Na osnovu člana 55. Zakona o organizaciji uprave u Hercegovačko-neretvanskom kantonu („Službene novine HNK“, broj: 9/09), člana 34. Zakona o izvršavanju Budžeta HNK za 2026. godinu („Službene novine HNK“, broj: 3/26), Odluke o usvajanju Programa utroška novčanih sredstava za novčane podrške u primarnoj poljoprivrednoj proizvodnji i prehrambeno - prerađivačkoj proizvodnji za 2026. godinu, („Službene novine HNK“, broj: 10/26) i člana 31. Programa utroška novčanih sredstava za novčane podrške u primarnoj poljoprivrednoj proizvodnji i prehrambeno - prerađivačkoj proizvodnji za 2026. godinu, („Službene novine HNŽ“, broj: 10/26), ministar poljoprivrede, šumarstva i vodoprivrede HNK, donosi

O D L U K U
o raspisivanju Javnog poziva
za podršku za mladog poljoprivrednika, jednog iz svake
JLS s područja Hercegovačko - neretvanskog kantona u 2026. godini

I

Ovom Odlukom raspisuje se Javni poziv za podršku za mladog poljoprivrednika, jednog iz svake JLS s područja Hercegovačko - neretvanskog kantona u 2026. godini.

II

Za realizaciju ove Odluke predviđena su sredstva u Programu utroška novčanih sredstava za novčane podrške u primarnoj poljoprivrednoj proizvodnji i prehrambeno - prerađivačkoj proizvodnji za 2026. godinu.

Podrška za mladog poljoprivrednika iznosi 10.000,00 KM za jednog nositelja porodičnog poljoprivrednog gazdinstva ili vlasnika obrta iz svake JLS na području HNK.

III

Dodjela podrške iz tačke I. ove Odluke vršit će se u skladu sa kriterijima utvrđenim članom 31. Programa utroška novčanih sredstava za novčane podrške u primarnoj poljoprivrednoj proizvodnji i prehrambeno - prerađivačkoj proizvodnji za 2026. godinu, („Službene novine HNK“, broj: 10/26) i Javnom pozivu.

IV

Obavijest o raspisanom Javnom pozivu objavit će se u dvoje štampane dnevne novine, a cijeli tekst Javnog poziva objavit će se na službenoj stranici Ministarstva www.mpsv-hnz-k.ba i u Službenim novinama HNK.

V

Za realizaciju ove Odluke zadužuje se Ministarstvo poljoprivrede, šumarstva i vodoprivrede.

VI

Ova Odluka stupa na snagu danom donošenja, a objavit će se u Službenim novinama Hercegovačko-neretvanskog kantona.

Broj: 03-20-336-1/26
Mostar, 8.9. 2026.

